



KUERPO POLISIAL KÒRSOU

Telefòn: 866-6150 • 866-6152 • 866-6153 •

866-6154 • 866-6156 • 866-6158 •

Fax : 869-6639

E-mail: pr.polis@polis.cw

Wèpsait: www.polis.cw

Adrès: Winston Churchillweg z/n • Willemstad • Curaçao

KOMUNIKADO DI PRENSA

079 / 2017

16 mart 2017

Kaso di tiramentu riba outoridat.

Djárason 15 di mart 2017, den oranan di anochi Sentral di Polis a risibí notifikashon ku a señalá un SUV ku dia 14 di mart 2017 antisosialnan a usa pa kometé un ladronisia ku violensia na un establementu riba Gosieweg. Informashon ku Sentral a risibí ta ku e vehíkulo aki ta bayendo direkshon di rotònde Brievengat. Vários unidat polisial i VKC a dirigí nan mes na e sitio i a blòkia e rotònde. Na momentu ku e SUV tabata aserkando i a nota e unidatnan e la desviá i bai direkshon di Andres Belloweg. Polis a lòs tiru dirigí riba e SUV pa para esaki, pero sin resultado. Un unidat di VKC a kuminsá ku un persiguishon pero a pèrdè e SUV for di bista. Kontinuando ku un búskeda a topa ku e SUV den Sabana Hundu. Okupantenan di e SUV a kuminsá lòs tiru dirigí riba e unidat di VKC. Seguidamente e sospechosonan a tira un supstansia riba e SUV i pega esaki na kandela pa despues kore drenta mondi.

Brantwer ku a presentá na e sitio a paga e kandela. Ku yudansa di helikòpter di Warda Kosta polis a sigui ku búskeda di e sospechosonan den e área sin e resultado deseá. Durante kontròl na e vehíkulo di VKC a nota perforashon di bala na altura di e tapa di motor. Investigashon den e kaso aki ta kontinuá.

Nota pa redakshon – no pa publikashon

Pa mas informashon bo por tuma kontakto ku Departamentu di Komunikashon i Prevenshon na e numbernan di telefòn ariba mensioná.

Orario: djaluna pa djabièrnè di 8.00 – 22.00 or’;

djasabra di 9.00 – 13.00 or’;

djadumingu di 18.00 – 22.00 or’.

Por yama durante di dia pa hasi entrevista i **despues di 22.00 or’** por tuma kontakto (ku Bosero i Hefe di Departamentu di Komunikashon i Prevenshon) na number di telefòn 510-2715.